



Հավասար կրթություն բոլորի համար

Բյուջե



Ծրագրի նպատակ

Բարելավել հաշմանդամություն ունեցող երեխաների համար բարձրորակ թերապևտիկ ծառայությունների հասանելիությունը՝ Երևանում գործող Ուսուցման դժվարություններ ունեցող երեխաների կենտրոնում վերանորոգելով հիմնական թերապևտիկ տարածքները:

Նկարագրություն

Հայ Օգնության Ֆոնդը (FAR) Ուսուցման դժվարություններ ունեցող երեխաների կենտրոնի երկարամյա գործընկերն է: Այն պետական կառույց է, որը աջակցում է 3–18 տարեկան երեխաներին, որոնք ունեն հատուկ կրթական պայմանների կարիք: Կենտրոնը միաժամանակ հանդես է գալիս որպես բարդ դեպքերի անմիջական ծառայություններ մատուցող և որպես մեթոդաբանական կենտրոն՝ համակարգելով Հայաստանի 24 մարզային մասնաճյուղերի աշխատանքը:

Ամեն տարի շուրջ 100 երեխա ՀՄԿ—ում անցնում է համապարփակ, բազմամասնագիտական գնահատում, որին հաջորդում են անհատական միջամտության ծրագրեր՝ ներառելով խոսքային, հոգեբանական և սենսորային թերապիաներ: Կենտրոնը նաև մշակել է նորարարական և ներառական մոտեցումներ՝ արվեստի, կավագործության, թատրոնի և երաժշտության միջոցով իրականացվող թերապիաներ, որոնք նպաստում են հաղորդակցման հմտությունների զարգացմանը, հուզական ինքնարտահայտմանը և ինքնավստահության բարձրացմանը՝ ներգրավելով նաև ընտանիքի անդամներին և հասակակիցներին:

Այնուամենայնիվ, մի շարք թերապևտիկ սենյակներ գտնվում են վատ վիճակում և հարմար չեն արդյունավետ թերապևտիկ աշխատանքի համար: Երաժշտական թերապիան ներկայումս հնարավոր չէ սկսել՝ համապատասխան տարածքի բացակայության պատճառով, թեև կենտրոնն ունի թե՛ մասնագետ, թե՛ անհրաժեշտ գործիքներ: Ծրագրի շրջանակում նախատեսվում է վերանորոգել չորս թերապևտիկ սենյակ՝ արվեստի, կավագործության, երաժշտության և օժանդակ տեխնոլոգիաների, որպեսզի ստեղծվի անվտանգ, գործնական և ջերմ միջավայր հաշմանդամություն ունեցող երեխաների համար:



Բյուջե

Նյութ

Նախնական արժեք (ԱՄՆ դոլար)

Օժանդակ տեխնոլոգիաների գրադարան	\$8,100
Երաժշտական թերապիայի սենյակ	\$7,900
Արվեստի թերապիայի սենյակ	\$5,800
Կավագործության թերապիայի սենյակ	\$8,300

Ընդհանուր

Փոխարժեք՝ 1 ԱՄՆ դոլար = 380 ՀՀ դրամ

\$30,100